



POSLOVNIK O RADU SUDIJSKE KOMISIJE KOŠARKAŠKOG SAVEZA BOSNE I HERCEGOVINE

Član 1.

Ovim Poslovnikom na osnovu Člana 4.3.4. Statuta KS BiH i Člana 4.1.4 Pravilnika Sudijske komisije KS BiH reguliše se način rada, prava i obaveze Sudijske komisije Košarkaškog saveza Bosne i Hercegovine (u daljem tekstu: SKKSBiH).

Član 2.

SKKSBiH radi u sjednicama i ima šest (6) članova. Predsjednik SKKSBiH rukovodi radom sjednice, a može ga zamijeniti potpredsjednik u skladu sa odredbama Pravilnika Sudijske komisije KS BiH.

Član 3.

Sjednice SKKSBiH se održavaju najmanje jednom u dva mjeseca. Sjednica se saziva najkasnije 7 dana prije održavanja sjednice sa objavljivanjem dnevnog reda, određivanjem mjesta i vremena održavanja sjednice. Samo u izuzetnim slučajevima, sjednica se može sazvati i u kraćem roku, ali ne manjem od tri dana. Materijal za sjednicu mora biti dostavljen uz poziv za sjednicu.

Član 4.

Dnevni red sjednice SKKSBiH predlaže predsjednik SKKSBiH. Svaki član SKKSBiH može predložiti izmjenu i dopunu dnevnog reda. O pitanjima za koja Upravni odbor KS BiH traži od SKKSBiH da donese odluku, stav ili tumačenje, SKKSBiH mora da se izjasni.

Član 5.

SKKSBiH može punovažno odlučivati ako sjednici prisustvuje više od 2/3 ukupnog broja njenih članova. Odluke se donose većinom glasova članova prisutnih sjednici. Ukoliko je broj glasova za i protiv jednak odlučujući je glas predsjednika. Glasanje je javno.

Član 6.

Ukoliko predsjednik SKKSBiH ne zakaže sjednicu u skladu sa članom 3. ovog Poslovnika, sjednicu može zakazati Upravni odbor KS BiH na zahtjev jednog od članova SKKSBiH ili po vlastitoj procjeni. Na sjednici zakazanoj po postupku iz stava 1 ovog člana Predsjedništvo može razmotriti pitanje povjerenja predsjedniku SKKSBiH.

Član 7.

Na sjednicama SKKSBiH vodi se zapisnik. Zapisnik vodi jedan od članova SKKSBiH, prema dogovoru.

Član 8.

Svoje odluke i stavove SKKSBiH dostavlja članovima SKKSBiH, Upravnom odboru KS BiH, Košarkaškom savezu Republike Srpske i Udruženim Košarkaškim savezima iz Federacije Bosne i Hercegovine, putem redovnih informacija i zapisnika. Poziv za sjednicu, materijali koji su razmatrani na sjednici, zapisnik sa sjednice te originali odluka i drugih akata koja je donijela SKKSBiH trajnog su karaktera i čuvaju se u arhivi KS BiH.

Član 9.

SKKSBiH o svom radu podnosi redovne izvještaje Upravnom odboru KS BiH.

Član 10.

Ako izabrani član SKKSBiH ne radi u interesu Sudijske komisije, odnosno usvojenih normativnih akata, članovi SKKSBiH mogu o tome obavjestiti Upravni odbor KS BiH i zatražiti njegovo opozivanje i prije isteka vremena na koji je izabran.



Član 11.

Svaki od članova SKKSBiH može putem predsjednika SKKSBiH tražiti sazivanje sjednice Sudijske komisije, ako je neophodno rješavanje određenih pitanja. Ukoliko predsjednik ne prihvata zahtjev za održavanje sjednice, član SKKSBiH se može obratiti Upravnom odboru KS BiH radi intervencije.

Član 12.

Izvršenje odluke SKKSBiH koja je u suprotnosti sa usvojenim opštim aktima KSBiH, ili može da donese štetu SKKSBiH ili Košarkaškom savezu BiH u cjelini, može obustaviti predsjednik SKKSBiH ili Upravni odbor KSBiH. Obustavu izvršenja odluke SKKSBiH razmatra Upravnom odboru KS BiH na svojoj prvoj narednoj sjednici.

Član 13.

Članovi SKKSBiH su dužni da čuvaju kao tajnu činjenice do kojih u toku rada dođu, ako su od SKKSBiH proglašeni tajnom ili predstavljaju tajnu Košarkaškog saveza BiH. Članovi SKKSBiH dužni su čuvati kao tajnu i ostala saznanja koja mogu štetiti ugledu košarkaških sudija i komesara, kao i sportskih radnika ili košarkaškom sportu u cjelini. Ne mogu se smatrati tajnom protuzakonite radnje ili radnje koje su u suprotnosti sa normativnim aktima sportskih foruma ili radnji koje su u suprotnosti sa sportskom ili društvenom etikom.

Član 14.

U okviru nadležnosti SKKSBiH, članovi SKKSBiH mogu davati izjave sredstvima javnog informisanja. Ne mogu se davati izjave koje na bilo koji način štete ugledu košarkaških sudija i komesara, košarkaškoj organizaciji ili sportu u cjelini.

Član 15.

U slučaju nepoštovanja odredbi ovog Poslovnika od strane članova SKKSBiH, predsjednik SKKSBiH ili potpredsjednici SKKSBiH dužni su da zauzmu svoj stav i predlože Upravnom odboru KS BiH donošenje odgovarajućih odluka.

Član 16.

Ovaj Poslovnik, njegove izmjene i dopune donosi Upravni odbor KS BiH.

Član 17.

Poslovnik stupa na snagu danom donošenja.

U Sarajevu _____

UPRAVNI ODBOR KS BiH